

67—
IN FVNERE

Illustrissimi, ac Eminentissimi

IO: BAPTISTÆ ZENI

S. R. E. Card. Amplifs.

ORATIO

A IO ANNE ARBORSANI

Hortensij Filio

In Augustiss. D. Marci Templo

C O R A M

SERENISSIMO PRINCIPE

Venetoq; Senatu habita

Prid. Id. Maij.



VENETIIS, M DC XXXV.

Ex Typographia Ducali Pinelliana.

Superiorum Permissu.

IN FVNERE

IO: BAPTISTE ZENI

ORATIO

IN QVODAM

TEMPLO

IN QVODAM

TEMPLO



VENETIIS MDCXXXV

EX THEATRO S. MARCI

ILLVSTRISSIMO

& Excellentissimo

MARCO LAVRETANO

SENATORI AMPLISSIMO



Seruus Humillimus

IOANNES ARBORSANI

Hortensij Filius.




*Ecessitudo, quam cum
Marco Illustrissimo tuo
Nepote, studiorum occa-
sione, sub disciplina Ad.
R. Angeli Gambari Ec-
clesiæ D. Margaritæ A-
lumni, contraxi maxi-*

*mam, est in causa, ut hanc tibi Oratiuncu-
lam, primum meorum studiorum partum, in
annuo funere Illustrissimi, ac Eminentissimi
Io: Baptista Cardinalis Zeni coram Veneto*

A 2 Senatus

*Senatus frequentissimo habitam dicare au-
sus fuerim, quò tua sub umbra singularis
sapientia, nec non praeclarissima dignitatis,
quam à Serenissimis Atavis tuis acceptam
emulari studiosè contendis, aetula mea im-
becillitas à repræhensione immunis euadat.
Accipe quaecumque hoc munusculum mea
in te observantia pignus, tuumque mihi stu-
dium pro tua humanitate benignus impende.*



ORA-

ORATIO:



Ræclare, atque optimè Facitis,
Princeps. Serenissimè, Illustriss.
& Excellentiss. Oratores, Sapien-
tissimi, & Præstantissimi Patres,
qui stato solemni more, pio, &
amplo funere, Ioanni Baptistæ
Zeno Cardinali Optimo, anni-
uersarias celebratis exequias.

Debetur certè quidem quicquid istud officij; quod
omni pietate, religioneq; persoluitis, admirandæ illius vir-
tuti, singulari beneficentiæ, prodigiosæ in Patriam chari-
rati. Debetur etiam Venetorum amplissimæ, & omnium
maximè pietati. Pius enim ille per omnem vitam egregia
vbiq; reliquit magnificentiæ, charitatis, Christianissimæ,
ac pientissimæ mentis exempla, quorum perpetua extabit
in animis gratissimorum posterorum memoria. Vos verò
memori, gratissimq; animo eundem quotannis pro tan-
ta amplitudine meritorum, dignissima iustorum celebra-
tione recolitis. Certat igitur hoc tempore Zena cum cha-
ritate publica pietas, cum liberalitate largitas, cum hu-
manitate benignitas. Ego verò tametsi infans non tam ce-
lebraturus vtramque, quàm contemplaturus accessero.

Quid enim opus in præsentia illius beneficentiæ largi-
tatem laudibus celebrare, quam euolutis tot seculaliorū
ora disertissima decantarunt? & cuius extant innumera
non in hac Vrbe, solū, sed in Urbibus Italiæ plurimis
amplissima monumenta? Hac ille virtute, qua non facile
multi eminent, cū planè esset instructus ceteris, voluit
eminere, quòd intelligeret, nulla re magis mortales ad
Immortalis Dei naturam accedere, quàm benefaciendo,

la r-

largiendo, ac de multis benè merèdo; propterea; Deum à veteribus Prius Optimum, id est beneficiētissimū, quàm Maximum vocitari consueſſe, quòd multo melius ſit, atq; diuinius prodeſſe multis, quàm magnas opes poſſidere. Itaq; quò Deum, quantum fas eſt homini, imitatione conſequeretur, non ſat ille habuit, religioni, innocentia, pietati, alijsq; virtutibus nauare operam, quibus paratur æterna glòria, & properatur acceſſus ad immortalē cum Deo vitam, ſed totū ſe dedit ad benefaciendum omnibus, ad opem ferendam miſeris, ad ſubleuandas egenorum domos, ſuſtentandas pupillorum familias, ad Viduarum cætuſ per benignè accipiendos, ad Virgines nobiles aut honeſtè collocandas, aut Deo Opt. Max. Sanctiſſimè mancipandas. Videlicet crediderim ego, ſapientiſſimè Cardinalē Optimum cogitaſſe, hoc ſæculum Mære eſſe quoddam turbulentum, ac procelloſum, quò deſertur vita mortalium quaſi quaſdam imbecilla Cymbula. Ventos verò, ac turbines, quibus mære acriter perturbatur, multorum eſſe affectuum inſanas perturbationes, & vaſtas cupiditatum maximarum moles, quibus perſepè homo in breuia rapitur, vnde emergere, ſeq; explicare vix poſſit. Eò autem nauigati periculoſius, & naufragij grauiore cum metu, quò pluribus opum, ac diuitiarum mercibus nauicula oneratur. Quamobrem cuitando prudentiſſimè naufragio Zenus Cardinalis quid cogitet, quid moliatur, quid agat? Merces illas & ſua namq; deonerat, quam tūc opinabatur ſeruam, vt in alteram pauperum, ac calamitoſorum tranſmitterat, quam firmiorem, ac fideliorem nouerat, quo ſic tuto perueniat in portum æternitatis, vbi ſunt diuitijs, ac delicijs fruitor, & quidē ingenti cum ſenore, quas præmiſit. Eundem fuiſſe morem apud veteres Druīdam quorundam Gallorum accepiſimus, qui in hac vita eſſent, pecunias mutuas dabant, quæ ſibi apud inferos red-
derent.

derentur; & hoc quidem ij. solùm superstitione quadam faciebant, nulla adhuc disciplina, nulla religione edocti. At **Zenus** Cardinalis Optimus, vt qui Christianissima mente ornatus erat, diuinaque ad pietatem lege informatus, quantò idem sapius, sanctiusq; præstabat, qui ita se diuitias habere dicebat, non vt ab ijs haberetur, sed vt eas haberet, & conferret in opem aliorum, cùm præsertim sciret; bona tribuentes hominibus non ipsis comodare, sed Deo. Sic ille sentiebat, sic in ore habebat, sic factis, atque opere comprobabat. Nouerat inopem familiam esse aliquam? Sustentabat. Intelligebat huic, atque illi filiam esse nubilem, cui forma amatores faceret plurimos, maritum nullum? Collocabat. Sciebat redactos in seruitutem prædonum barbarorum aliquos? Pecuniam ad redimendum dabat. In carceribus detentos alios ære alieno sentiebat? Solutione facta liberabat. Religiosorum, ac Religiosarum hominum cætus egebant cibarijs? Suppeditebat. Vestibus? Offerebat. Alium, ac Templorum apparatus? appparabat. Quid scio? nullum non genus pijsimæ charitatis in omnes exercebat. Testantur hoc Xenodochia & Nosocomia, & sanctissima loca, quæ magnis sumptibus, & expensis ad illos excipiendos extruxerat, qui tecto, ac domicilijs caruissent. Prædicant Diuorum & Diuarum **Ædes** quamplurimæ amplissimæ Cardinalis Zeni beneficentiâ, vel instauratæ, vel etiam à fundamentis erectæ. Celebrat **D. Fantini** Templum in hac ipsa Vrbe summo splendore, magnificentiaq; exstructum, & copiosis censibus locupletatum. Testatur **Veronæ D. Zenonis** Basilica. **Rauennæ Spiritus Sancti** **Ædes**. **D. Benedicti Cremonæ** Fana, & altaria in toto eo tractu, qui est ad Modium, ad Neruesiam, ad Carrariam, quæ loca omnia magnificentissimè adornauit. Atq; vt taceam cætera, quæ infinita se offerunt, testatur singularem quandam, ac propè diuinam eius beneficentiam.

ficientiam, tum auri, & argenti talentorum plurimorum
 largitio, qua res Patriæ magnopere iuuit, quo tempore
 bello aduersus Genuenses molesto implicabatur, ac per-
 difficili, tum nouissima eiusdem morientis voluntas, qua
 liberalissimo munere decem aureorum millia in paupe-
 res eroganda legauit, & opulentissimi patrimonij, quod
 habebat, maximarum opum, quas possidebat, Rem publi-
 cam inscripsit hæredem. O factum verè piissimum. O pie-
 tatem verè amantissimam Patriæ. Et non videtur vobis
 Princeps Serenissime, Illustrissimi Patres, tanta, & tam
 admirabilis pietas Cardinalis Optatij, & Sanctissimi po-
 stulare, vt illius vos quoque defunctæ animæ parem pie-
 tatem, & benivolentiam rependatis? & rependitis qui-
 dem officiosissime, cum facitis hisce supplicationibus, &
 Missarum Sacrificijs annuam operam datis, quod eius ani-
 mam vestris precibus piissimarum suffragijs apud Deum
 Opt. Max. adiuuetis. Quamquam enim qui tam pie, tamq;
 christianè vixit, eum post obitum Cælo receptum esse spe-
 ramus, ac Dei benignitate confidimus, quia tamen pauci
 admodum ea puritate decedunt, vt non penarum aliquid
 post mortem luendum sit, facitis profectò christianissime,
 vt suis ex animo precibus ei vos mortuo diuinam miseri-
 cordiam imploretis, & liberationem ex loco purgandis
 animis destinato precemini, qui, & viuus, & moriens sum-
 mum in vos amorem, summam in omnes charitatem
 egregijs facinoribus declarauit.

D I X I.